

Obraćanje predsjedatelja Doma naroda Parlamentarne skupštine BiH Bariše Čolaka na sjednici Stalnog komiteta Parlamentarne skupštine Vijeća Europe

Sarajevo, 22. svibanj 2015.

Poštovana predsjednice Parlamentarne skupštine Vijeća Evrope gospođo Basseur, poštovani kolega Džaferoviću, uvaženi ministre Crnadak, poštovani članovi Biro, članovi Stalnog odbora Parlamentarne skupštine Vijeća Evrope, evo i ja vas želim sve pozdraviti, želim vam dobrodošlicu, želim izraziti svoje zadovoljstvo što se ovaj, rekao bih, prvi značajniji politički događaj odvija upravo ovdje u Sarajevu neposredno poslije našeg preuzimanja presjedanjem ovog značajnog tijela.

Ja, isto tako, želim izraziti želju i svoje uvjerenje da će BiH sa svoje strane učiniti sve da se ponaša odgovorno, to je svakako jedna velika čast, ali velika obveza da naše predsjedanje bude što je moguće uspješnije. Mi ovo predsjedanje zaista preuzimamo u jednom zahtjevnom trenutku, teškom trenutku, trenutku punom izazova i zato će naše zalaganje pored ovoga što je predviđeno i što će biti u fokusu našeg zanimanja, kao zemlje predsjedateljice, o čemu će svakako više govoriti uvaženi ministar, imati svakako i daleko veće značenje. Ja ne sumnjam da ćemo u svemu tome imati potporu, kao što smo i do sada imali, od strane vas, od strane Parlamentarne skupštine, kao ključnog tijela Vijeća Evrope, posebice u organiziranju ova dva značajna događaja koja ćemo organizirati na najvećoj mogućoj razini, dakle jedan u BiH, a drugi u Maroku kako bi smo evo ove naše ciljeve, ove naše prioritete mogli uspješno realizirati. Ja sam zaista zadovoljan i želim pozdraviti sve ovo što je napravljeno, dakle usvajanje ove Rezolucije i Akcijskog plana u borbi protiv radikalizma. Jednako tako i Dodatnog protokola na Evropsku konvenciju za borbu protiv terorizma i uvjeren sam da ćemo mi napraviti sa svoje strane zajedno, naravno, sa vama sve da to prođe u najboljem mogućem redu u smislu implementacije, ali i u smisli evo i potpisivanju ovog Dodatnog protokola.

Ono što još želim posebno naglasiti jeste da je ovo naše predsjedanje prvo se podudara sa predsjedanjem naše susjedne Republike Srbije presjedanjem OESS-om. Mislom da ćemo naći načina i dobre suradnje kako bi smo poboljšali suradnju same ove dvije institucije. Živimo, nažalost, u jednom teškom vremenu, vremenu koje je obilježeno i terorističkim aktima, evo, rekao bih, i u neposrednom našem susjedstvu, dakle Makedonija, al' evo i u samoj BiH smo nedavno imali jedan teroristički čin. Sve to skupa zaista ukazuje na to da moramo biti krajnje ozbiljni i krajnje odgovorni i da se moramo posvetiti daljnjim reformama. Mi smo, evo gospodin Džaferović je u svom uvodnom govoru naglasio, obvezali se na provedbe određenih reformi, taj redosljed je nešto izmjenjen i normalno je da moramo napraviti ključne iskorake u reformskom smislu i u ekonomskoj sferi i u socijalnoj sferi, u fiskalnoj sferi, u sferi porezne politike, u sferi gospodarskog rasta, u sferi zapošljavanja. Nužno je, naravno, napraviti odlučne korake i reforme u našoj javnoj upravi, reforma pravosuđa

koja evo već duže vrijeme traje, ali postoji, dakle, zaista po mom sudu jako, jako velik prostor za napredovanje, jer nemoguće je zamisliti uspješnu borbu protiv organiziranog kriminala bez zaista jedne temeljite reforme našega pravosuđa koje na koncu zaista mora biti i neovisno i profesionalno i učinkovito, ali rekao bih, nadasve odgovorno. Ono što pred nama stoji, dakle, kao neizvršena obveza, to je provedba ove presude Evropskog suda za ljudska prava u Strazburu, predmet Sejdić i Finci, ali evo i još jedna presuda koju smo u međuvremenu dobili Zornić protiv BiH, ma zapravo implicira ustavnu reformu. Dakle, mi pored ovog što sam kazao, moraćemo zaista paraleleno vrlo uporno, vrlo temeljito, studizorno i mukotrпно, rekao bih, raditi na reformama našeg Ustava. Mi jesmo specifična zemlja po mnogo čemu, mi smo višenacionalna, višekonfesionalna država, multietična država, a naš Ustav je jedna vrsta oktroiranog ustava i to je svima poznato, dobili smo ga u okviru Općeg okvirnog sporazuma za mir i on naravno nije donesen u parlamentarnoj proceduri, niti na referendumu, mi smo dakle, nismo ga na demokratski način usvojili, nije nažalost niti objavljen u „Službenom glasniku“, niti je preveden na službene jezike koje govorimo u BiH, obuhvatio je svega pet institucija, dakle na državnoj razini, nije dakle u njemu obrađene ni sve tri vrste vlasti. Dakle, postoji niz nedostataka i rješenja koja nisu u skladu sa Evropskom konvencijom o ljudskim pravima i temeljnim slobodama, sve to zajedno od nas traži da se zaista maksimalno angažiramo i u tom smislu su i brojne rezolucije Parlamentarne skupštine Vijeća Evrope, ali i Evropskog parlamenta. Mislim da je konačno sazrelo vrijeme i da će ova parlamentarna većina smoći snage da se uhvati u koštac s tim promjenama, jer ni jedna zemlja koja je prošla ovaj put ka evropskim i euroatlanskim asocijacijama nije mogla izbjeći promjene svog ustava, iako su je li oni doneseni u demokratskoj atmosferi. Ukoliko mognemo smoći snage i prihvatiti ono što je evo i Evropski parlament u posljednje dvije rezolucije vrlo jasno definirao, da je to moguće napraviti ako prihvatimo načela federalizma, decentralizacije, načela supsidijarnosti, načela legitimnog predstavljanja, mislim da ćemo moći taj problem riješiti, a onda ja sam posve siguran da ćemo mnoge probleme mnogo, mnogo lakše rješavati.

Ja mislim da je put ove zemlje, a mislim da je to mišljenje ne samo parlamentarne većine, nego i oporbenih stranaka isključivo u evropskim integracijama. Da bi smo to postigli svima nam treba biti jasno da nikakvi niti centralizmi, a niti separatizmi neće pomoći ovoj državi. U tom smislu ja želim vjerovati da je konačno sazrelo mišljenje kod većine nas u BiH da ćemo uz pomoć vas, naših prijatelja iz Evrope, konačno napraviti ključne iskorake i ovu zemlju pokrenuti naprijed.

Hvala vam lijepo. (kraj)